

Bisikan halus

■ Skizofrenia dorong penghidap bertindak di luar kawalan

Oleh **Fazurawati Che Lah**
fazurawati@hmetro.com.my
Kuala Lumpur

Skizofrenia antara masalah mental yang mampu mendorong seseorang bertindak di luar kawalan tanpa menyedari kelakuannya membawa kepada kematian.

Perunding Psikologi Universiti Putra Malaysia (UPM) Siti Fatimah Abdul Ghani berkata, seseorang yang mengalami skizofrenia kebiasaannya cenderung bertindak melampaui batasan normal dan nilai sejagat.

“Seseorang yang mengalami skizofrenia tanpa dirawat biasanya menunjuk-



“ Mereka gagal berfikir secara waras dan cenderung berkelakuan agresif”

Siti Fatimah Abdul Ghani

kan pemikiran tidak teratur dan mungkin mengalami delusi atau halusinasi pendengaran.

“Mereka gagal berfikir secara waras dan cenderung berkelakuan agresif. Lebih teruk apabila ia membabitkan keganasan dan kece-

deraan kepada diri atau orang lain,” katanya.

Siti Fatimah berkata demikian mengulas muka depan akhbar semalam berhubung penemuan cebisan 15 anggota bayi di loji kumbahan sebuah flat Projek Perumahan Rakyat (PPR) di Kempas Permai, Johor Bahru.

Anggota badan itu ditemui kontraktor pembersihan jam 10.30 pagi itu dipercayai dibuang ke dalam lubang tandas terlebih dahulu.

Menurut Siti Fatimah, suspek berkemungkinan mengalami gangguan skizofrenia yang semangannya dikaitkan dengan masalah jiwa seperti tekanan, gangguan kepercayaan, gangguan fungsi asal mental yang akhirnya menghasilkan tindakan kejam.

“Orang normal tidak bertindak sekejap itu...ia gangguan mental akibat faktor gangguan dalaman yang seterusnya mempengaruhi tindakan,” katanya.